



XURADO PROVINCIAL DE MONTES VECIÑAIS EN MAN COMÚN.

Expediente nº: 1/2007.

RESOLUCIÓN

PRESIDENTE:

D. Emilio López Pérez

VOGAIS:

D. Xabier Bruña García

D. David Díaz Losada

SECRETARIA:

Dna. Ana Manuela Belinchón Jiménez

Representantes da comunidade:

D. José Valcarce Rodríguez

D. Sebastián Cela Álvarez

Na cidade de Lugo, o día dezaioito de xuño de dous mil oito, o Xurado Provincial de Montes Veciñais en Man Común, constituído polas persoas que á marxe se relacionan, reunido na sala de xuntas da Delegación Provincial da Consellería do Medio Rural, adoptou a seguinte **RESOLUCIÓN:**

Visto no día da data o expediente número 1/2007 para a posible clasificación como veciñal en man común do monte **REGAVELLA**, no concello de **COSPEITO**, iniciado por acordo do Xurado do 27 de xuño de 2007, sendo vogal instrutor **D. XABIER BRUÑA GARCÍA**, e resultando os seguintes:

ANTECEDENTES DE FEITO

PRIMEIRO: Aceptado o cargo polo vogal instrutor (coa data do 3 de setembro de 2007), iniciouse o expediente número 1/2007 (por instancia de **Dna. Rosa Morán Luaces**), poñendo como encabezamento do mesmo a certificación da **ACTA** da sesión do Xurado, na que se acorda a iniciación do expediente e o nomeamento do vogal instrutor.

SEGUNDO: Coa data do 12 de setembro de 2007, recabouse do Servizo de Montes e Industrias Forestais na Delegación Provincial da Consellería do Medio Rural, certificación relativa a se o monte de referencia figura incluído ou non no catálogo dos de Utilidade Pública da provincia de **LUGO**.

TERCEIRO: Coa data do 12 de setembro de 2007, solicitáronse do Rexistro da Propiedade de **Vilalba**, os documentos seguintes:



1º) certificación dos asentos que poidan afectar ao terreo en cuestión e que acredite o nome das persoas a favor das que estea inscrito, expresando título de adquisición, liberdade de gravames ou cargas de calquera clase inscritas ou anotadas e que estean vixentes na actualidade segundo os asentos.

2º) certificación de se algunha das devanditas cargas fora obxecto de transmisión ou estivese afecta a algunha responsabilidade, e as limitacións de dominio e condicións ou accións resolutorias ou rescisorias que estean vixentes na actualidade.

CUARTO: Coa data do 17 de setembro de 2007, recibíuse certificación do Servizo de Montes e Industrias Forestais na Delegación Provincial da Consellería do Medio Rural, na que se fai constar que o monte **REGAVELLA**, non figura incluído no catálogo dos de Utilidade Pública da provincia de **LUGO**.

QUINTO: Coa data do 28 de setembro de 2007, recibíuse certificación do Rexistro da Propiedade de Vilalba, na que se fai constar que o monte **REGAVELLA**, tal e como se describe na solicitude do Xurado Provincial de Montes Veciñais en Man Común de Lugo, non figura inscrito nese rexistro.

SEXTO: Coa data do 8 de xaneiro de 2008, comunicóuselle ao Servizo Provincial de Montes e Industrias Forestais na Delegación Provincial da Consellería do Medio Rural, a iniciación do expediente.

SÉTIMO: Coa data do 8 de xaneiro de 2008, comunicóuselle ao concello do **COSPEITO** a iniciación do expediente e remitíronselle **EDICTOS** para a súa colocación no taboleiro de anuncios do concello, nos lugares de costume e nos asentamentos dos lugares e parroquia aos que pertence o devandito monte.

OITAVO: Coa data do 8 de xaneiro de 2008, comunicóuselle ao Rexistro da Propiedade de Vilalba, a iniciación do expediente e solicitouse a **ANOTACIÓN PREVENTIVA**.

NOVENO: Coa data do 8 de xaneiro de 2008, comunicóuselle a iniciación do expediente a **DONA ROSA MORÁN LUACES** como solicitante da clasificación.

DÉCIMO: Coa data do 17 de xaneiro de 2008, remitiuse **EDICTO** para a súa publicación no **D.O.G.**, poñendo en coñecemento de tódolos interesados a iniciación do expediente, co fin de que puideran comparecer e intervir nel, na defensa dos seus dereitos e intereses.

DÉCIMO PRIMEIRO: Coa data do 8 de febreiro de 2008, aparece publicado o **EDICTO** no **D.O.G.** número 28, páxina 2.216, polo que se pon en coñecemento público a iniciación do expediente de clasificación do monte **REGAVELLA**.

DÉCIMO SEGUNDO: Coa data do 5 de marzo de 2008, recibíuse comunicación do Rexistro da Propiedade de Vilalba, na que se fai constar a anotación preventiva realizada (letra A, predio 8.702, libro 64 do concello de Cospeito, folio 45, tomo do arquivo 474).

DÉCIMO TERCEIRO: Coa data do 24 de marzo de 2008, comunicóuselle ao alcalde pedáneo ou de barrio da parroquia de **MUIMENTA**, no concello de **COSPEITO**, o dereito da comunidade de veciños á elección de dous representantes, que poderán asistir ás reunións do Xurado nas que se estude o expediente do monte **REGAVELLA**, (con voz pero sen voto).



DÉCIMO CUARTO: Coa data do 31 de marzo de 2008, recibíuse comunicación da comunidade de veciños de **MUIMENTA**, concello de **COSPEITO**, na que como vogais representantes no Xurado pola comunidade implicada no procedemento, resultaron elixidos os seguintes veciños:

- **DON ANÍBAL RODRÍGUEZ GESTO**
- **DON JOSÉ MORÁN ANLLO**

FUNDAMENTOS DE DEREITO

1º.- O Xurado Provincial de Montes Veciñais en Man Común ten competencia e xurisdición para coñece-lo expediente, séndolle atribuída tal competencia polo artigo 9 da Lei de Galicia 13/1989, do 10 de outubro, de Montes Veciñais en Man Común.

2º.- Examinada a documentación obrante no presente expediente, e posto que non consta que se teña presentado alegación algunha en contra da clasificación, cabe manter o comprobado no estudio previo realizado na elaboración da carpeta-ficha polo Servizo de Montes e Industrias Forestais. Atendendo, ao tipo de aproveitamento comunitario que presenta, considérase que o monte **REGAVELLA**, reviste o carácter de veciñal en man común conforme ao disposto no artigo 1 da devandita Lei.

Vistos os antecedentes de feito e os fundamentos de dereito anteriores, o Xurado Provincial de Montes Veciñais en Man Común, **RESOLVE:**

CLASIFICAR como veciñal en man común o monte das seguintes características:

Nome: **REGAVELLA**
Pertenza: veciños da parroquia de MUIMENTA.
Parroquia: Muimenta
Concello: **COSPEITO.**
Superficie: **3 hectáreas.**

Estremas:


Norte: Termo municipal de A Pastoriza.

Sur: Propiedades de Dna. M^a Fe García García, Jorge Pena Anllo, Daniel Canto Anllo e Sara Falcón Basanta.

Leste: Camiño de servizo e predios particulares de Sara Falcón Basanta.

Oeste: Camiño de servizo.





 XUNTA DE GALICIA CONSELLERÍA DO MEDIO RURAL Delegación Provincial de Lugo Servizo de Montes e Industrias Forestais		Ronda de Muralls, 70, Baixo 2º 27071 - Lugo 
Escala: 1:10000	MONTE: Regavella PERTENZA: C.M.V.M.C. de Muimenta CONCELLO: Cospeito	
Superficie: 3 Ha	 Lugo, maio de 2007 O enxeñeiro de montes Fernando Rendón Méndez Núñez	
MVMC Regavella  Parcela 333 ; Polígono 6		